



• EDITORIAL • RÂL VÊNGTU • CHHÛNGKAW CHANCHIN

- » Presbyterian Church of India Inchhiarna dinhmun thar
- » Mo lawm chungchânga OM Thuchhuah
- » Missionary Training Centre Graduation Day

RNI 68092/83 Regn. No. N.E. 1024
From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXIII

No. 417

E-mail: synodnews@gmail.com

MAY, 2018

LÂWRKHAWM

SYNOD THURÊL LÂKKHÂWM VOLUME 5

Synod Thurêl Lâkkhâwm Volume - V, kum 2001-2010 inkâra mi Rev. H. Remthanga buatsaih chu a chhuak thar a, Rs. 700/- man niin a man hi a sân deuh avângin ti hniam deuh tura Committee sângah thu thlen mêk a ni.

SYNOD HOSPITAL MOBILE CLINIC

April 13 & 14, 2018 chhûng khân Mamit Kohhran Centenary pualin Synod Hospital-in Mamit-ah Mobile Clinic a buatsaih a, Doctor pali leh thawktu dang pasarih, an vaiin mi 11 an kal a, damlo 432 zet an en hman a ni.

April 30, 2018 (Thawhtanni) khân Khatla Bial Kohhran Hmeichhia te ngenna angin Khatla Kohhranah Synod Hospital-in Free Clinic a buatsaih baw a, Doctor Specialist chi hrang hrang kalin damlo 469 an en baw.

POLITICAL EDUCATION CAMPAIGN

May 5 & 6, 2018 chhûng khân Khawbung Vêngpui Kohhranah Political Education Campaign buatsaih a ni a, Rev. Zoramsânga, Synod Office leh Upa Lalzuitluanga, Committee Member te an kal.

ATC VALEDICTORY SERVICE

April 20, 2018 (Zirtawpni) khân Aizâwl Theological College chuan Valedictory Service an hman a, he hunah hian kum 2017-18 Session a zir chhuakte thlahna hun an hman a.

Upa R. Dêngzikpua, Synod Secretary -in lâwmman a hlân a, Rev. F. Lalrinnunga, Synod Moderator-in Certificate a hlân baw. Rev. Dr. H. Vânlalruatan College aiawhin lâwmthu sawina hun hmanin, Rev. Dr. Zaihmingthanga, Theological Education Board member-in malsâwmnain inkhâwm a tîn a ni.

PCI GENERAL ASSEMBLY VAWI 43-NA TLUANG TAKIN ZAWH FEL A NI TA

Kum khat dana neih thîn PCI Biennial General Assembly vawi 43-na 2nd May 2018 a tan chu 6th May Pathianni khân tluang takin zawh fel a ni ta. Presbyterian Church of India hnuaihia hian Synod hrang hrang 10 leh Provisional Synod pakhat a awm a. Chhûng zîngah chuan Mizoram Synod hi Synod lian ber a ni. He Biennial General Assembly hi Biateram Synod-in Fiangpui (Haflong) Kohhranah a thleng a. Moderator chu Rev. Lalramliana Pachuau a ni. Rev. Lalramliana Pachuau hi PCI-a hnuhma lo ngah tak tawh a ni a. PCI Administrative Secretary *term* hnih lai lo chelh tawh a ni baw. He Inkhâwmpuiah hian rorêl palai 1,300 an kal a, chhûng zînga a zâtve deuh thaw 542 chu Mizoram Synod palai an ni. Mizoram Synod aţanga palaite hi bus 19 leh Bolero 17-in an kal. Tin, hei bākah hian Mizoram Synod Choir te pawh bus pakhatin an kal baw. Assembly rorêl hi Moderator Rev. Lalramliana Pachuau-in hneh takin a kaihrui a. Ni hnih chhûng rorêl tûra ngaih chu ni khat leh chawhmaah zawh fel vek a ni.

Assembly Inkhâwmpuiah hian thu pawimawh tam tak rêl a ni a. A then azâr chauh târ lang ila:

1. Karimganj khuaa PCI Assembly ram hi a ram mite leh sawrkârin neih tumin an nêk fo va. Hei hi engtia tih tûr nge ni ang tih General Assembly 2016-a lo rêl tawh chu Assembly Executive Committee-in rawtna a rawn thlen a. An rawn rawt ang hian a ram enkawl mêktu Mizoram Synod kutah lo awm zêl rawh se, ti a rêl a ni.

2. Kum 2016 General Assembly-a lo ngaihtuah tawh 'Regional Assembly hi Church Court-ah siam ni rawh se,' tih thu Executive Committee zir chian tûra dah chu an zir chianna an rawn thlen a. He thu hi eng emaw chen sawi ho a nih hnuah Assembly Executive Committee rawt ang hian Regional Assembly hi Church Court-a siam chu a rem lo ve tia rêl a ni.


3. Rev. G.S. Lyttan-a chu Assembly Administrative Secretary *term* khat dang thaw leh tûra ruat a ni a. Rev. K. Lalrinkima, Mizoram Synod chu Administrative Secretary atân ruat thar a ni baw.

4. Tripura Provisional Synod pawhin hma a sâwn zêl a. Synod puitlinga hlân kai remtih a ni a. A tûl apiang lo bawh zui chu Assembly Executive Committee kutah dah a ni.

5. Mizoram Synod rawt angin Manipur Area Presbyterian Church chu Synod hranga ding tûra rêl a ni baw.

He inkhâwmpuiah hian Thupui chu 'Nunna Êng' (Light of Life) tih a ni a, PCI Gen. Assembly Administrative Secretary *term*

hnih lai lo chelh tawh Rev. WC Khongwir-a'n thiam takin a sawi. Zirtâwp zânah ATC Principal Rev. Dr. C. Lalhlîran 'In êng chu mi mîthmuhin êng rawh se' tih tlawchhanin thiam takin thu a sawi a. Pathianni chhûn inkhâwmah Synod Finance Officer Rev. H. Remthangan 'Kohhran-Krista taksa' tih thupui ngaihnam takin a sawi baw. Pathianni zîng dâr 7-8 inkârah Moderator Rev. Lalramliana Pachuau-in Lalpa Zanriah Sacrament a theh a. Pathianni zânah Moderator kal chhuak Rev. Laldawngliana (Manipur Synod)-in Moderator Valedictory sermon ngaihnam takin a sawi a, hla sak zawh a nih hnuin Rev. Dr. Lalchhuanlian Malsâwmnain kan inkhâwm hnuhnûng ber min tîn a. Mipuite thu mai lovin an ding tlang a, Upa Lalpua Dârnei (Biateram Synod)-in Bible keng chungah hma hruaiin Moderator Rev. Lalramliana Pachuauvin a zui a, Assembly Officer-ten zui chhuakin PCI Biennial General Assembly vawi 43-na chu khâr a ni ta a ni.



Fiangpui (Haflong) Presbyterian
Kohhran Biak In
PCI Assembly neihna
hmun

SYNOD Newsletter

EDITORIAL STAFF

Rev. Dr. C. Chawngmingliana
Rev. PC Pachhônga
Upa H. Ronghâka
Rev. R. Laldinthara

Editorial

THLARAUA KHAH

Ringtu tân hian Thlarauva khata awm aia châkawm a awm lo hial âwm e. John Hyde-a pheï chuan Thlarau Thianghlima khah hi a'n ngai pawimawh khawp a, "Lalpa, Thlarau Thianghlima min tikhah loh chuan missionary ka ni zui tawh lo vang," zuk ti hial a! Thlarauva khat tehna erawh chu a inang lo nuai ang a, a inchen lo nuai baw ang. 'Thlarauva khat chu chutiang tak chu a ni e,' tih theih lah ni baw si lo. Bible-ah hian Thlarauva khat chiang tak hmuh theih erawh a awm. Pentikos Nia ringtute zînga Thlarau thianghlim a lo thlen khân, 'Pathian Thlarau chu an chungah a rawn chuang theuh va, Thlarau Thianghlimin an khat ta vek a' tih a nih kha. An khat chiang hle mai!

Thlarau Thianghlima khat chu vântirhokh ang hial ni tûrah beiseina a lian hle baw. Mahse, khawvéla awm chhôngin famkim lo tê tê awm khâwm kan ni lawi si. Thlarau pâwla awma, khat viau anga langte pawh hi chak lohna lai nei kan ni thlih thliah baw si. Thlarau changtu nun han teh tak tak chuan nun rimchhe lai a lo lang leh baw thîn si. Chutianga nun rimchhe lai miin an hmuh chuan Thlarauva khata an ngai leh thei baw si lo. Thlarauva khata awm chu a châkawm viau rualin mahni lam inphat thaka, thlarau hrui ang zêla awm a ngai baw si avângin huphurhawm tak a tling leh lawi baw si. Thlarauva khah loh lahin hriak hnawih ngai loh lu ang maiin a nun a ro tlawk tlawk baw si. Engtia awm zêl tur nge ni ta ang le?

Bible-a kan hmuh chu, "Uaiin ruiin awm suh u, chumiah chuan insûm lohna a awm si a. Thlarauva khatin awm zâwk rawh u," tih a ni a. He mihring taksa famkim lovah hian thlarau Thianghlim chu eng lai pawhin a châm reng thei lo a nih pawhin ringtu tal hi chu Pathian thlarauvah a awm reng a tûl zâwk a ni. Mizo êmah hian tui kan thun khat thei lo. A khata tui dah theih dân kawng awm chhun chu êm chu tua chiah a ni ringawt mai. Ringtu pawh thlarauva a khah theih dân tûr kawng awm chhun chu Pathian thlarauva a awm hi a ni ringawt mai. Thlarauva tuihâl tân pawh Thlarauva awm chu tuihâl rehna tha ber a tling ang.

www.mizoramynod.org

PRESBYTERIAN CHURCH OF INDIA (PCI) INCHHIARNA LAMA DINHMUN THAR

1. Synod zât	10	10. Mission Field worker	2,057
2. Provisional Synod zât	1	11. Dân zawh kim zawng zawng	8,56,094
3. Presbytery zât	137	12. Baptisma chang Dân zawh kim	
4. Bial (District) zât	592	la ni lo	2,67,487
5. Tualchhung Kohhran zât	3,269	13. Mipa zawng zawng	7,13,020
6. Branch Church zât	1,347	14. Hmeichhia zawng zawng	7,54,509
7. Minister zawng zawng	1,089	15. Kohhran mi zawng zawng	14,67,529
8. Pro. Pastor zât	157		
9. Kohhran Upa zât	11,700		

Kum 2016 Inchhiarna nêna khaikhinin Synod pakhatin a pung a, Presbytery pangain a pung a, Bial (District) hi pangain a tla hniam thung. Tualchhung Kohhran 59-in an pung a, Branch Church 244-in an pung baw. Dân zawh kim punna chu 48,986 a ni a, kohhran mi zawng zawng punna chu 61,748 a ni.

Thil thenkhata kum hnih chhông dinhmun hetiang hi a ni baw -

1. Hming pe thar zât	25,042	4. Kohhran ațanga bân	11,779
2. Pâwl dang ațanga lo pakai	14,328	5. Nau piang zât	61,105
3. Pâwl danga pakai	9,327	6. Mitthi zawng zawng	17,371

PRESBYTERIAN CHURCH OF INDIA (PCI) HNUAIA SYNOD HRANG HRANGTE (Member tam dân dân indawtin)

S/N Synod Hming	DZK zât	Kohhran member zât
1. Mizoram Synod	4,20,043	6,11,241
2. Khasi & Jaintia Presbyterian (KJP) Synod Sepngi	1,75,898	3,70,764
3. Khasi & Jaintia Presbyterian (KJP) Synod Mihngi	1,33,798	2,81,252
4. Ri Bhoi Synod	38,108	70,013
5. Cachar Hill Tribe (CHT) Synod	21,689	34,153
6. Karbi Anglong Presbyterian Church (KAPC) Synod	13,761	22,952
7. Manipur Synod	10,082	15,571
8. Biateram Synod	8,476	14,543
9. Zou Synod	9,532	11,768
10. Meitei Presbyterian Singlup (MPS) Synod <i>Provisional Synod pakhat a awm</i>	Târ lan loh	85,15
11. Tripura (Provisional) Synod	15,055	22,277

THAWKTU LA THAR

Synod Service Board chuan Dept hrang hrang atân thawktu thar a la a, May 1, 2018 ațangin an hna an zawm. Hetiang hian -

No. Hming	Khua/Veng	Dept/Thawhna tûr
1. Zohmangaiha	Ngopa Field Vêng	Asst. Editor, SL & PB
2. Lalhmunmawii	Bilkhawthlîr	Mathematics Lecturer, Synod HSS
3. Vânlalhriatpuii Kiangte	Ramhlun Vênglai	Audiologist, Synod Hospital
4. Dr. Lalduhchhôngi	Kanan Vêng	Specialist (Obs&Gynae), Synod Hospital
5. Lalrêlkima	Tanhrlil	Assistant III, PRESCOM
6. C. Lâwmsiamkima	Mission Vêng	Assistant III, PRESCOM

Thuthang dik lo chu i sawi chhâwng mai mai tûr a ni lo ve; bretu fel lo tak nihna tûrin mi suaksual zîngah chuan i kut chu telh ve sub.

Exodus 23:1

Râl Vêngtu

Râl Vêngtu chu, “Si, mang si lo” tiin a au a au va. Mite chuan, “Râl Vêngtu, i thusawi awmzia kan va hre lo ve, min han hrilh fiah teh” an ti a. Râl Vêngtu chuan, “Ka thusawi awmzia chu in hre ngâh mai tûrah ka lo ngai a, a lo fiah tâwk lo a ni maw? A nih leh, in hriat thiam tûr zâwngin sawi ka'n tum ang e aw. ‘Si, mang si lo hi kan va tam ta em!’ Tichuan, in fiah deuh tawh em?” a ti a. Mite chuan, “Khawbung a la ti ta deuh deuh! Kan la hre thiam chuang lo,” an ti a. Râl Vêngtu chuan. “A va mak baw ve maw le. A thlîng baw hawkin ka'n sawi law law mai ang e aw:”

“Pathian thu man fuh inti viau si, kohhran man fuh leh mang si lo,”

“Pathian thu ngaisâng inti hle si, kohhran ngaisâng leh mang si lo,”

“Pathian thu awih inti viau si, Pathian thu anga nung tha leh duh mang si lo,”

“Pathian rawngbâwl chhâka phi ruai si, Pathian rawngbâwl tha leh duh mang si lo,”

“Rinawm viauva insawi si, rinawm leh mang si lo,”

“Pathian thu sawi peih viau si, tawngtai leh Bible chhiar peih leh mang si lo,”

“Mi sawisêl peih viau si, sawisêl loh tûra nung leh peih mang si lote hi kan va tam ta em! Hetiang mite hi Pathianin a lâwmin ka va ring lo em! Tichuan in hrethiam tawh em?” a ti a. Mite chuan, “E! Râl Vêngtu, tûnah chuan i sawi awmzia chu kan hre fiah ta e. I bula lo kal hi chu a manhla thîn teh,” tiin amahni in lamah an hâwng leh ta dam dam a.

SYNOD HOSPITAL NURSING SCHOOL GRADUATION DAY VAWI 16-NA

May 8, 2018 (Thawhlejni) chawhma dâr 11:00 khân Nursing School, Synod Hospital, Durtlâng-a Graduate thar te pualin Graduation Day hman a ni a, Synod Moderator Rev. F. Lalrinnunga chu Khuallian a ni.

Graduation Day Vawi 16-na hi Chapel Auditorium-ah hman a ni. Graduate thar te hi an vaiin mi 32 an ni.

Zirlai chhuakte hnênah Certificate hlan niin, zirlai ti tha zualte hnênah Award hrang hrang sem a ni baw.

SYNOD HOSPITAL, DURTLÂNG MARCH, 2018 CHHÛNGA THILPÊK DAWNTE

I. CHARITY FUND

1. Pu Laisanglura, Durtlâng Mèl - 5	Rs 1,500/-
2. Sêrchhîp Kâwpui Kohhran Pavalai Pâwl	Rs 5,000/-
3. Kailash Colony, Delhi Govt. Officer's Flat	Rs 10,000/-
4. Champhai Vêngsâng Bial	Rs 4,000/-
5. Khawzawl Vêngthar Kohhran	Rs 8,000/-
6. Rosawmliana Vârtê, Durtlâng Leitán	Rs 1,000/-
7. Bairabi South Kohhran Hmeichhia	Rs 2,500/-
8. Zodinliana, Mission Vêng	Rs 1,300/-
9. Bairabi Kohhran Hmeichhia	Rs 4,500/-
10. Zodinsânga, Zârkawt	Rs 3,500/-
11. R. Lalnunthari (Nunui), Chhîngá Vêng	Rs 1,000/-
12. Kohhran Pavalai Pâwl, Keifang Vêngthar Kohhran	Rs 3,000/-
13. Pu R.Zothanzâra, Leitán	Rs 1,000/-
14. Khawlaillung Bial Kohhran Hmeichhia	Rs 3,000/-
15. Biata Bial Kohhran Hmeichhia	Rs 3,000/-
16. Lalchhuansânga, Vênghlu	Rs 1,000/-
17. Sêrchhîp Chhîmvêng Koh. Pavalai Pâwl	Rs 5,000/-
18. Sêrchhîp Vêngchung Bial Koh. Hmeichhia	Rs 5,000/-
19. Upa Chuangkima, North Lungpher	Rs 1,000/-
20. Ramhlun 'E' Kohhran Pavalai Pâwl	Rs 2,000/-
21. Zohmingliana, Electric Vêng, Aizâw	Rs 2,000/-
22. East Lungdâr Vênghlun Koh. Pavalai Pâwl	Rs 500/-
23. Bairabi Bial Kohhran Hmeichhia	Rs. 5,000/-
24. Lungdai Kohhran	Rs. 1,000/-
25. VTR Computer Centre, Khatla	Rs. 1,000/-
26. VTR Computer Centre, Durtlâng North	Rs. 1,000/-
27. Model Vêng Kohhran	Rs. 14,148/-
28. Pu Vânlalthanga Râltê, Mission Vêngthlang	Rs. 1,000/-
29. Kâwnmawi Kohhran	Rs. 771/-

II. THISEN PETE

	PEK ZÁT
1. KŦP, Tuikhuahtlâng Branch	29 Units
2. Nursery Vêng Kohhran, Aizâw - Siver Jubilee pual	37 Units
3. KŦP, Phûlpui Field Vêng Branch	39 Units
4. KŦP, Saitual Bial	46 Units

III. GRACE HOME TÂN

1. Kângmun Kohhran Hmeichhia	Rs 2,000/-
2. Dârlâwn Bial Kohhran Hmeichhia	Rs 2,000/-
3. Chaitlâng Kohhran Hmeichhia, Aizâw	Mattress 3
4. Sihphîr Bial Kohhran Hmeichhia	Rs 3,595/-
5. Biata Bial Kohhran Hmeichhia	Rs 3,000/-

6. Malsâwmluanga Royle, Qatar	LED TV
(40 inch) leh K. Ward Refrigerator lei nân	Rs 23,000/-

IV. THIL DANG PETE

1. Kohhran Pavalai Pâwl, Mission Vêngthlang Bial	NCB tân Mattress 6
2. KŦP, Lungpho Bial	Thutthlengsei ngenchhan nei 2
3. KŦP, Zuangtui Bial	NCB tân Mattrees 2
4. Pi R.Lalfakzuali te chhûng, Durtlâng Mèl - 5	Digital Wall Clock
5. Sialsûk Forest Range	Hmunphiah 60
6. Pu C.Châmliana, Mission Vêngthlang	Swab Stick
7. Champhai Vêngthlang Bial Kohhran Hmeichhia	Students Nurses Hostel khum siam
nân Rs 20,000/- leh lukham tur lapua 60 kgs.	
8. Leitán Kohhran Pavalai Pâwl	Hospital Compound sâw fâi hnâtlâng
9. Hnahlân Bial Kohhran Hmeichhia	Hmunphiah
10. Eric Zothanpuia, Zârkawt Naupang Ward tân Spin Mop	
11. Hospital Vêng Kohhran Sacrament Dept., Thingsulthiah	Hmunphiah
12. Jedida Enterprise, Vaivakâwn	Exray Unit tân Flat TV (20 inch)
13. East Lungdâr Vênghlun Kohhran Pavalai Pâwl	Hmunphiah 20
14. Electric Vêng Bial Kohhran Hmeichhia, Aizâw	Cardiac Monitor lei nân Rs. 1,50,000/-

V. PAWISA DAWN ZAWNG ZAWNG -

1) Rs 92,719/-
2) Rs 33,595/-
3) Rs 1,70,000/-
Total Rs 2,96,314/-

Khawngaihna leh duhsaknaa thilpêk min petute zawng zawng hnênah Lalpa Isua Krista hmingin lâwmthu kan sawi tak meuh meuh a ni. Heng in thilpêk kan dawnte hian dam lo awm man harsate thlamuang takin a awmtîr a, Hospital mamawh tam tak min phuhrûksak baw a ni.

Sd/-
(REV. R. RAMDINMAWIA)
Chaplain, Synod Hospital, Durtlâng.

PBS FAREWELL & DEDICATION VAWI 42-NA

Presbyterian Bible School chuan April 25, 2018 chawhnu dâr 1:00 khân 42nd Batch Farewell and Dedication Programme Pi Zaii Hall, Synod Conference Centre-ah an hmang.

He hun hi Rev. Lalramliana Pachuau, Senior Executive Secretary in a kaihruai a, Rev. H. Lalrinmawia, Zirtûrtuin inlawmna leh inhmêlhriattîrna hun a hmang a. PBS Principal Rev. Lalneihvûra'n report a pe. Synod Secretary Upa Dêngzikpuia'n zir chhuakte hnênah certificate a hlân.

Rev. Lalramliana Pachuau-in Pathian hnênah zirlaita a hlan a, thuchah a sawi zui a, lâwmman hrang hrang sem zui a ni. Rev. Vânlalrova Khiangte, Missionary Training College Principal-in malsâwmnain programme a khâr a ni.

PBS-ah hian a din tîrh aţangin tûn thleng hian zirlai 2,044 an awm tawh a, chûng zînga 1,723 ten tha takin an zir chhuak a ni. Tûna batch 42-naah hian zirlai 38 an awm a, exam ve ta lo 7 tih loh chu an pass vek a. Exam-a tiţha zual pathumna thlengin lâwmman Rs. 1,000/-, Rs. 700/-, Rs. 500/- hlan an ni a, chûng mite chu:

First – Vânlalmuanpuia s/o H. Laldawngliana, Khawhai South Kohhran

Second – Hruaitluangpuii d/o C. Lalramhluna, Chhîpphîr Kohhran

Third – H. Lalfakzuala s/o H. Chhanliana, Church of God (Seventh Day)

Batch 42-na zirlai zîngah hian class kal kim mi 10 lai an awm a, an hnênah lâwmman Rs. 500/- theuh hlan an ni.



VAITIN KOHHRAN chuan ni 31 March, 2018 - 13 April, 2018 chhông khân Krista Sipaite Team (Speaker Pu Joseph Zâihmingthanga) ruaiin Chhandamna Camping vawi hnih leh Naupang Lâng Camp vawi khat an buatsaih a. Hetah hian campers 137 zet lûtin, Kohhran hrang hrang Salvation Army, UPC (NEI) leh EFCI ațang te pawhin an lût a. Kohhran bêl ngai loten Kohhran bêl tharin, Krista tân thalaite inhlân tharin hun duhawm tak an hmang ho a. Kohhran an hlimin an lâwm hle.

CHAMPHAI VÊNGHLANG KOHHRAN chuan April 3-18, 2018 chhông khân Pu C. Lalramthara, Speaker, Gospel Revival Team ruaiin Camping Centre, Chhanchhuahna In-ah camping vawi hnih an buatsaih a. Camping-ah hian mi 145 lûtin, Biak In lamah Naupang Lâng Camp buatsaih a ni bawk a, naupang 450 zet an tel thei. Camping zawh hnuah Biak Inah Follow Up Programme hman zui niin, ni 16-17 April, 2018 chhôn lamah Puitling tân Lâng Camp buatsaih leh a ni a. Hetah hian mi 340 zet an lût a. Kohhranhote an hlimin an hlâwkpu hle.

SYNOD-A THAWKTE ZÛK LEH HMUAMA INTHIAR FIHLÎM TÛRA NGEN AN NI

Kum 2017 Synod Inkhâwmpui thurêl (Gen.17) bawh zuiin, SEC/OM chuan Senior Executive Secretary chu thawktute hnênah zûk leh hmuama fihlîm tûra ngenna lehkha sem chhuak tûrin a ti a. Sr. Executive Secretary, Rev. Lalramliana Pachuau chuan 'Zûk leh hmuama inthiar fihlîm tûra ngenna' lehkha chu Synod hnuai thawktu zawng zawng hnênah a pe a, hetiang hian a ziak -

“Synod Inkhâwmpui rorêl chu bawhzuiin Synod hnuai full time-a thawktu zawng zawngte chu zûk leh hmuama fihlîm tûrin kan inngên nawn leh a. Thawktuten Synod rorêl hi ngai pawimawha zâwm tûr leh tihhlawhtlin ngei pawh tum theuh tûrin kan inhiattîr a ni,” tiin.

MO LAWM CHUNGCHÂNG

(*'Mo Lawm Chungchâng' hi tûn hnaiah Kohhran tina chhiar chhuah tûr OM-in a siam a, mi tin tâna hriat chi a nih avângin kan han chhuah chhâwng a ni. - Editorial Board*).

Aizâwl Chhimthlang Presbytery chuan, 'Nupa chungchâng Dân Bu, 2017 Bung II:J-in a sawi angin Mo lawm chungchâng hi uar zâwka inzirtîr ni rawh se,' tiin rawtna a rawn thlen a. SEC chuan he thu hi thil pawimawh tak nia hriain OM-in Kohhran tina chhiar tûrin lo buatsaih rawh se, a ti a (SEC 269:8 of 7-9/11/2017), OM chuan a hnuai târ lan ang hian ngenna a buatsaih ta a ni (OM 5:24 of 227.3.2018).

1. Mo lawm chungchâng: Nupa chungchâng Dân Bu chuan Mo lawm chungchâng hetiang hian a sawi a, 'Mo lawm hi zân lama tih loh tûr a ni. Mo lawmnaa thil tih rêng rêng Kristiante tih dân tûr âwm rêngin, zahawm tak leh mawi taka Pathian fak leh chawimawina lam hawi zêla tih tûr a ni. Inneih nia innei thiante hovin chhôngte tâna phurrit tling khawp, ei leh in lam phûtte hi Kristiante tih atânga mawi lo a ni a. Tin, mo lawmnaa ei leh in lam buatsaih pawh a hautak lo zâwng a tih hi Kohhran duh dân a ni,' tiin a sawi a (Nupa chungchâng Dân Bu, 2017 Bung II:J)

2. Inneih lawm: Kohhranin Chhiatni Thâtnei Inkaihhruaina kan neihah 'Inneihna lawmna chu Inah emaw, Hall-ah emaw inneih lawmna buatsaih a nihin Kristiante tih dân tûr âwm rênga zahawm leh mawi taka tih ni se. Ei leh in pawh a hautak lo zâwng a tih hi Kohhran duh dân a ni,' (Chhiatni Thâtnei Inkaihhruaina, 2011:B/13) tih a ni bawk a.

Mo lawm chungchâng leh inneih lawm chungchâng Kohhranin Inkaihhruaina kan neihte hi ngai pawimawh tûrin kan inngên a ni.

3. Inneih hma leh Inneih hnuah Inneih lawm: Tûnlaiin innei tûrte leh an thianten inneih hma hun remchâng zawngin hmun eng emaw - picnic spot, park, hotel etc.,-ah te mo thuama inthiam hun lo hmang lâwka nulât tlangvâlna vûi liamna hun hmang anga lo awmte an awm ta nia hriat a ni a. Chutiang bawkin, inneih hnuah pawh Kohhranhote nêna hun hman duh tâwk mai lo va zânah emaw, inneih tûk lamah emaw inneih lawmna hmang zui leh tate an awm nia hriat a ni bawk. Mizote hi thil intihhmuh ching tak kan nih avângin hetiang thil hi Kohhran duh dân a ni lo tih kan hriat a pawimawh hle a ni.

Inneih hma leh inneih hnuah inneih lawmna siam hian a lo thlâwna sum sên a tipung a, phurrit a tling bawk. Tin, thil tha lo leh mawi lo, buaina leh harsatna thlang thei thil a nih bawk avângin hetiang thil hi ti lo tûrin Kohhrante kan inngên a. Kohhranin, 'Mo lawm chungchâng'-a inkaihhruaina kan neih leh 'Inneih lawm' chungchâng inkaihhruaina kan neih hi ngai pawimawh theuh tûrin kan inngên a ni e.

MISSIONARY TRAINING COLLEGE GRADUATION DAY 2018

April 18, 2018 (Nilaini) khân Missionary Training College (MTC) Mission Vêngthlang chuan Pi Zaii Hall, Synod Conference Centre-ah Graduation Day Vawi 6-na hmang a. B. Miss zir zo mi 13 te thlah an ni.

Graduation Day-ah hian B.Miss zir lai ti thate lâwmman hlan a ni a. Chhôngte chu:

- 1) *R. Dâla Award for Biblical Studies* - Vânlalmalsâwmtluanga
- 2) *Rohmingthangi Award for Theology and Mission* - Lalrintluangi Renthlei
- 3) *Tirrhkoh Chhôngte Award for Historical Studies* -
 - a) Asfonse Lalțanpuia Biata
 - b) J. Vânlalringgheta
 - c) Lalrintluangi Renthlei
 - d) R. Vânlalduhsaki
- 4) *M. Suaka Award for Religious and Cultural Studies* - Vânlalmalsâwmtluanga
- 5) *Tirrhkoh Thangzâwna Award for Christian Ministry* - J. Vânlalringgheta
- 6) *Rev. Dr. Lalsâwma Award for Language Studies* - Ronick Rengnela Durpui
- 7) *Lalbiakchhông Award for Academic Excellence* - J. Vânlalringgheta
- 8) *Robuanga Award for Best Outgoing Student* - Ronick Rengnela Durpui